

STATUTI
i Shoqërisë "Rezonanca" Sh.p.k.

Sot, me datë 10 / 09 / 2025 ,

- **Z. Arben Rroji**, shtetas shqiptar, lindur me 19/07/1970, ne Shkoder, mbajtes i dokumentit te identifikimit me nr. personal H00719078G, madhor e me zotesi te plote juridike e per te vepruar;
- **Z. Ylber Zama**, shtetas shqiptar, lindur me 07/02/1982, ne Shkoder, mbajtes i dokumentit te identifikimit me nr. personal I20207081A, madhor e me zotesi te plote juridike e per te vepruar;
- **Z. Besnik Mustafaj**, shtetas shqiptar, lindur me 06/10/1984, ne Vlore, mbajtes i dokumentit te identifikimit me nr. personal I41006084R, madhor e me zotesi te plote juridike e per te vepruar;
- **Z. Gëzim Galiqi**, shtetas shqiptar, lindur me 09/06/1969, ne Shkoder, mbajtes i dokumentit te identifikimit me nr. personal G90609185L, madhor e me zotesi te plote juridike e per te vepruar.
- **Z. Genc Nurja**, shtetas shqiptar, lindur me 17/01/1973, ne Shkoder, mbajtes i dokumentit te identifikimit me nr. personal H30117122T, madhor e me zotesi te plote juridike e per te vepruar;
- **Z. Shpëtim Ymeri**, shtetas shqiptar, lindur me 13/05/1970, ne Shkoder, mbajtes i dokumentit te identifikimit me nr. personal H00513195N, madhor e me zotesi te plote juridike e per te vepruar;
- **Znj. Alva Dani**, shtetase shqiptare, lindur me 13/09/1976, ne Shkoder, mbajtese e dokumentit te identifikimit me nr. personal H65913057W, madhor e me zotesi te plote juridike e per te vepruar;

Në përputhje me Ligjin 9901, datë 14.04.2008, "Për Tregtarët dhe Shoqëritë Tregtare" (i ndryshuar) dhe Ligjit nr. 9723, dt. 03.05.2007, " Për regjistrimin e biznesit ", miraton këtë statut si vijon:

NENI 1

EMËRTIMI

Themelohet një shoqëri e së drejtës shqiptare me përgjegjësi të kufizuar me emërtimin "Rezonanca" Sh.p.k.

NENI 2

SELIA

Shoqëria ka seli në adresën: Lagjja Vasil Shanto, Rruga Komiteti i Kosoves, Godine 1-2 kateshe, nr.40/2, Shkodër.

Shoqëria mund të çelë degë dhe/ose zyra përfaqësimi brenda ose jashtë Republikës së Shqipërisë, si dhe të transferojë selinë e shoqërisë në një adresë apo qytet tjetër.

NENI 3

OBJEKTI

Shoqëria ka për objekt të veprimtarisë:

- Ekzaminime radiologjike.

Shoqëria mund të kryejë gjithashtu të gjitha operacionet tregtare, mbi pasuri të luajtshme dhe të paluajtshme, operacione financiare, industriale, që do të vlerësohen të nevojshme apo të dobishme për realizimin e objektit të shoqërisë si dhe të blejë pjesëmarrje në kapitalin themeltar të shoqërive të tjera që kanë objekt të njëjtë, të ngjashëm apo që lidhet me të vetin. Shoqëria në ushtrimin e aktivitetit të saj, do të marrë të gjitha autorizimet e lejet e nevojshme pranë institucioneve publike shqiptare, dhe do të mbështetet në rregullat dhe normat në fuqi në lidhje me ushtrimin e veprimtarisë së saj të rregullt ekonomike.

NENI 4

KOHËZGJATJA

Kohëzgjatja e shoqërisë do të jetë për një afat të caktuar prej dhjetë (10) vjetësh, duke filluar nga data e themelimit të saj.

NENI 5

KAPITALI THEMELTAR

Kapitali themeltar është i përbërë nga kontributi në të holla i Ortakeve themelues në vlerën 50.000.000 Lekë (*pesedhjetë milion*) Lekë dhe është i përbërë nga 7 kuota.

Kapitali themeltar ndahet si më poshtë:

- **Z. Arben Rroji**, zotëron 1 kuotë, me 19% të kapitalit themeltar, me 1 (një) pjesë me vlerë 9.500.000 Leke (*nente milion e pesëqind mijë*) Lekë dhe 9.500.000 Leke (*nente milion e pesëqindmijë*) Lekë të kapitalit themeltar.
- **Z. Ylber Zama**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashtë milion e shtatëqind e pesedhjetë mijë*) Lekë dhe 6.750.000 Leke (*gjashtë milion e shtatëqind e pesedhjetë mijë*) Lekë të kapitalit themeltar.
- **Z. Besnik Mustafaj**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashtë milion e shtatëqind e pesedhjetë mijë*) Lekë dhe 6.750.000 Leke (*gjashtë milion e shtatëqind e pesedhjetë mijë*) Lekë të kapitalit themeltar.
- **Z. Gëzim Galiqi**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashtë milion e shtatëqind e pesedhjetë mijë*) Lekë dhe 6.750.000 Leke (*gjashtë milion e shtatëqind e pesedhjetë mijë*) Lekë të kapitalit themeltar.
- **Z. Genc Nurja**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashtë milion e shtatëqind e pesedhjetë mijë*) Lekë dhe 6.750.000 Leke (*gjashtë milion e shtatëqind e pesedhjetë mijë*) Lekë të kapitalit themeltar.

- **Z. Shpëtim Ymeri**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashte milion e shtateqind e pesedhjetë mijë*) Lekë dhe 6.750.000 Leke (*gjashte milion e shtateqind e pesedhjetë mijë*) Lekë të kapitalit themeltar.
- **Zj. Alva Dani**, zotëron 1 kuotë, me 13.5 % të kapitalit themeltar, me 1 (një) pjesë me vlerë 6.750.000 Leke (*gjashte milion e shtateqind e pesedhjetë mijë*) Lekë dhe 6.750.000 Leke (*gjashte milion e shtateqind e pesedhjetë mijë*) Lekë të kapitalit themeltar.

Kapitali themeltar mund të zmadhohet nëpërmjet kontributeve të reja në para ose në natyrë, sipas vendimeve të asamblesë së ortakëve të marra me shumicat të parashikuara për ndryshimin e këtij statuti.

NENI 6

PJESËMARRJET NË KAPITALIN THEMELTAR

Pjesëmarrjet e ortakëve në kapitalin themeltar përcaktohen në raport të drejtë me kontributet e tyre në kapitalin themeltar.

Të drejtat, përfshirë edhe e drejta e votës, u takojnë ortakëve në mënyrë përpjestimore me pjesëmarrjen që zotëron secili në kapitalin themeltar.

Në rast tjetërsimi të pjesëmarrjes në kapitalin themeltar, ortakët e tjerë gëzojnë të drejtën e parablerjes. Me "tjetërsim" do të kuptohet çdo akt tjetërsimi i kuotave, në kuptimin më të gjerë të fjalës, si në pronësi të plotë ashtu edhe të pjesshme, që, në mënyrë direkte apo indirekte, sjell ndryshimin e titullit të pronësisë mbi kuotat ose të drejtat mbi to.

Ortakë që synon të tjetërsojë, tërësisht ose pjesërisht, kuotat e tij në kapitalin themeltar duhet t'i komunikojë ortakëve të tjerë nëpërmjet një letre rekomande, ofertën e marrë, duke treguar emrin e blerësit të mundshëm dhe kushtet e tjetërsimit, në mënyrë të veçantë çmimin e përcaktuar dhe mënyrën e pagesës (këtu e më poshtë Oferta).

Brenda njëzet ditëve nga marrja e komunikimit të Ofertës, ortakët e interesuar në ushtrimin e së drejtës së parablerjes duhet t'i komunikojnë ortakut që kalon të drejtat mbi kuotat, dëshirën për të ushtruar të drejtën e parablerjes, përpjestimisht me pjesëmarrjen e secilit në kapitalin themeltar dhe sipas kushteve të Ofertës, duke shprehur edhe interesin e mundshëm për blerjen e pjesës së kuotave për të cilën nuk është ushtruar e drejta e parablerjes nga ana e ortakëve të tjerë. Është i pavlefshëm çdo komunikim që nuk përmban të gjitha të dhënat e mësipërme.

Në rast se ndonjë nga personat që gëzon të drejtën e parablerjes së kuotave, nuk mund ose nuk dëshiron ta ushtrojë atë, e drejta e parablerjes që i takon zmadhohet automatikisht dhe përpjestimisht në favor të ortakëve që kanë shprehur interesin për ta ushtruar këtë të drejtë.

Në rast se janë disa ortakë që ushtrojnë të drejtën e parablerjes, kuotat do të shpërndahen ndërmjet tyre në përpjestim me pjesëmarrjen e secilit në kapitalin themeltar të shoqërisë. Në rast se në letrën e komunikimit të Ofertës tregohet si blerës i mundshëm një person që është ortak, edhe atij i njihet e drejta e parablerjes, krahas ortakëve të tjerë.

Në rastin e ushtrimit të së drejtës së parablerjes, nënshkrimi i kontratës së shitjes së kuotave dhe pagesa përkatëse duhet të kryhen brenda afateve të përcaktuara në propozimin e shitjes së formuluar nga ortakë ofrues.

Nëse e drejta e parablerjes nuk ushtrohet brenda afateve të mësipërme dhe për tërësinë e pjesëmarrjes së ofruar, ortaku ofrues mund t'i transferojë kuotat e veta në favor të blerësit të treguar në komunikimin e Ofertës dhe në kushtet e parashikuara në të brenda gjashtëdhjetë ditëve të ardhshme. Në të kundërt, procedura e parablerjes duhet të përsëritet.

Në rast tjetërsimi të kuotave në favor të të tretëve, pa zbatuar dispozitat e parashikuara më sipër, blerësi nuk do të legjitimohet në ushtrimin e të drejtave administrative dhe pasurore dhe tjetërsimi i kuotave nga ana e tij nuk do të prodhojë efekte ndaj shoqërisë. Nëse asnjëri prej ortakëve nuk e ushtron të drejtën e parablerjes në mënyrat e përcaktuara, ortaku ofrues mund të nënshkruajë aktin e shitjes së pjesës së tij në përputhje me dispozitat ligjore në fuqi.

NENI 7

VENDIMET E ASAMBLESË SË ORTAKËVE

Asambleja e Ortakëve vendos mbi çështjet që i rezervohen nga ligji ose nga ky Statut, si dhe mbi çështjet që njëri ose disa prej administratorëve i paraqesin për miratim. Ortakët gëzojnë të drejtën të thërrasin asamblenë e ortakëve në rastet dhe me shumicat e parashikuara me ligj. Janë në çdo rast në kompetencën e Asamblesë së ortakëve vendimet që kanë lidhje me:

- a) miratimin e pasqyrave financiare dhe shpërndarjen e fitimeve;
- b) emërimin, shkarkimin e administratorëve dhe përcaktimin e strukturës së organit administrative;
- c) ndryshimet e këtij Statuti;
- d) zmadhimin dhe zvogëlimin e kapitalit;
- e) ndryshimin e formës së shoqërisë ose ristrukturimin e saj;
- f) vendimet në lidhje me shpërndarjen e parakohshme të shoqërisë;
- g) marrjen dhe transferimin e pjesëmarrjeve në shoqëri të tjera;
- h) emërimin, shkarkimin dhe zëvendësimin e ekspertëve kontabël të autorizuar dhe likuiduesve duke përcaktuar në këtë rast kriteret e likuidimit;
- i) blerjen dhe shitjen e pasurive të paluajtshme;
- j) përcaktimin e shpërblimeve të administratorit/rëve;

NENI 8

THIRRJA E ASAMBLESË SË ORTAKËVE

Asambleja e ortakëve e thirrur rregullisht përfaqëson bashkësinë e ortakëve dhe vendimet e saj, të marra në përputhje me ligjin dhe këtë statut, janë të detyrueshme për të gjithë ortakët, edhe nëse këta mungojnë ose nuk janë të të njëtit mendim. Asambleja e ortakëve thirret me njoftim dërguar ortakëve në vendbanimin e tyre dhe në adresën e postës së tyre elektronike dhe i marrë prej këtyre të paktën 7 (shtatë) ditë përpara datës së caktuar për mbledhjen e asamblesë. Administratori i shoqërisë sigurohet që adresat e ortakëve janë të përditësuar në bazë vjetore në dosjen e kompanisë. Në njoftimin e thirrjes duhet të tregohen vendi, dita dhe ora e mbledhjes dhe lista e çështjeve në rend të ditës. Në rast mosrespektimi të formaliteteve të mësipërme, asambleja do të konsiderohet e thirrur rregullisht vetëm nëse është e përfaqësuar tërësia e kapitalit themeltar dhe asnjë nuk

kundërshton diskutimin e çështjeve në rend të ditës. Asambleja drejtohet nga Administratori. Drejtuesi i Asamblesë konstaton mbledhjen e rregullt të saj, verifikon identitetin dhe legjitimitetin e të pranishmëve, drejton dhe garanton zhvillimin e rregullt të asamblesë si dhe verifikon dhe shpall rezultatet e votimeve.

Mbledhjet e Asamblesë së ortakëve mund të mbahen edhe nëpërmjet video-konferencës dhe telekonferencës, me kusht që të gjithë pjesëmarrësit të mund të identifikohen dhe të dallohen në çdo moment të lidhjes, dhe t'u lejohet të ndjekin diskutimin, të marrin, dërgojnë dhe vëzhgojnë dokumentat, të ndërhyjnë gojariht dhe në kohë reale mbi të gjitha çështjet, si dhe të marrin pjesë në votim dhe të vendosin, në mënyrë të tillë që të mund të garantohej metoda kolegjiale dhe zbatimi i parimeve të mirëbesimit dhe barazisë së trajtimit të ortakëve. Në prani të kushteve të mësipërme, asambleja e ortakëve konsiderohet e mbajtur në vendin në të cilin gjendet drejtuesi i saj. Çdo ortak ka të drejtën e pjesëmarrjes dhe të votës në asamblenë përpjestim me pjesëmarrjen që zotëron në kapitalin themeltar. Ortakët mund të përfaqësohen në asamble nga persona të tjerë nëpërmjet prokurës së posaçme. Prokura është e vlefshme vetëm për asamblenë për të cilën lëshohet, të identifikuar sipas rendit të ditës. Ortakët nuk mund të përfaqësohen nga administratori i shoqërisë. Vota duhet të jetë e hapur ose gjithësesi të shprehet me modalitete të tilla që bëjnë të mundur identifikimin e ortakëve që nuk janë të të njëjtit mendim. Modalitetet e votimit miratohen nga asambleja e ortakëve me shumicën e të pranishmëve, mbi propozim të administratorit. Në rast se nuk parashikohet ndryshe me ligj, pjesët e kapitalit themeltar për të cilat nuk mund të ushtrohet e drejta e votës do të llogariten për efekt të kuorumit të nevojshëm për mbledhjen e vlefshme të asamblesë. Vendimet e asamblesë së ortakëve duhet të pasqyrohen në procesverbalin e mbledhjes, të nënshkruar nga drejtuesi. Procesverbalit të asamblesë i bashkangjitet lista e pjesëmarrësve dhe njoftimet e thirrjes.

NENI 9

ADMINISTRIMI I SHOQËRISË

Asambleja e Përgjithshme emëron një ose më shumë persona fizikë si administratorë të shoqërisë. Asambleja e ortakëve mund të vendosë shkarkimin e administratorit me shumicë të zakonshme. Kohëzgjatja e mandatit të Administratorit/ëve është 5 (pesë) vjet, me të drejtë ri-emërimi. Administrator i shoqërisë është **Z. Shpëtim Ymeri**, shtetas shqiptar, lindur me 13/05/1970, ne Shkoder, mbajtese e dokumentit të identifikimit me nr. personal H00513195N, madhor e me zotësi të plotë juridike e për të vepruar, zgjidhet si Administrator për një periudhë prej 5 (pesë) vjet, me të drejtë rizgjedhjeje.

NENI 10

KOMPETENCAT E ADMINISTRATORËVE

Administratori ka të gjitha kompetencat për administrimin e zakonshëm të shoqërisë, me përjashtim të vendimeve që ligji, akti i themelimit dhe statuti i rezervojnë asamblesë së ortakëve.

Administratori gëzon të drejta dhe fuqi të plota për kryerjen e çdo veprimi dhe/ose operacioni që vlerëson të dobishëm për realizimin e objektit të shoqërisë. Përpos asaj çka parashikohet nga ligji administratori ka detyrën e kryerjes së veprimeve të mëposhtme:

- a) hartimin e pasqyrave financiare, të llogarive vjetore dhe raportit me shkrim mbi administrimin, në mbyllje të çdo viti financiar;
- b) hartimin e projekteve të bashkimit ose ndarjes së shoqërisë;
- c) të informojë asamblenë mbi zbatimin e politikave tregtare dhe realizimin e operacioneve tregtare me rëndësi për shoqërinë;
- d) të raportojë përpara asamblesë së ortakëve mbi faktet që mund të kenë pasoja negative mbi ecurinë apo ekzistencën e shoqërisë;
- e) të thërrasë asamblenë e ortakëve në rastet e parashikuara me ligj;
- f) Do të informojë ortakët në mënyrë periodike mbi ecurinë e veprimtarisë së shoqërisë, përmes raporteve mujore të përgatitura, në përputhje me dispozitat ligjore dhe aktet themeluese të shoqërisë.

Administratorët mund të delegojnë përfaqësues të posaçëm për kryerjen e akteve të veçanta ose të një kategorie aktesh, duke përcaktuar kompetencat përkatëse.

NENI 11

PËRFAQËSIMI

Administratori ka të drejtën e përfaqësimit të shoqërisë kundrejt të tretëve dhe në gjykim. Ai mund të caktojë avokatë dhe përfaqësues të shoqërisë përpara organëve gjyqësore, organeve të administratës shtetërore dhe të tretëve, si dhe përfaqësues të posaçëm për akte të veçanta ose kategori aktesh. E drejta e firmës së shoqërisë mund të ushtrohet edhe nga personat të cilëve u është deleguar kjo e drejtë brenda kufijve të kompetencave të dhëna. Administratori ka të drejtën e rimbursimit të shpenzimeve të bëra gjatë ushtrimit të funksioneve si dhe një shpërblim vjetor të përcaktuar nga asambleja e ortakëve në momentin e emërimit ose me vendim të posaçëm.

NENI 12

PERSONELI I SHOQËRISË

Për punonjësit që do të punësohen, marrëdhëniet juridike midis shoqërisë dhe të punësuarve rregullohen nëpërmjet kontratës së punës në përputhje me dispozitat ligjore në fuqi dhe vecanerisht të Kodit të Punës.

NENI 13

VITI USHTRIMOR DHE PASQYRAT FINANCIARE

Viti ushtrimor mbyllet në 31 dhjetor të çdo viti.

Në mbyllje të çdo viti ushtrimor, organi administrativ harton pasqyrat financiare të vitit ushtrimor, brenda afateve dhe në përputhje me dispozitat e ligjit. Bilanci mund t'u paraqitet ortakëve për miratim brenda njëqindetëdhjetëditëve nga mbyllja e vitit ushtrimor. Dokumentat e kontabilitetit, të shoqëruara nëse e nevojshme nga relacioni i ekspertëve kontabël të autorizuar, duhet t'u

komunikohen ortakëve dhe të vihen në dispozicion të tyre pranë selisë së shoqërisë, të paktën 15 ditë përpara datës së mbledhjes së asamblesë.

NENI 14

FITIMET

Fitimet që rezultojnë nga viti ushtrimor do të shpërndahen ndërmjet ortakëve pasi të jenë zbritur nga kjo shumë vlera e humbjeve të pësuar gjatë vitit ushtrimor. Aksionerët synojnë që shpërndarjet e fitimit të jenë vjetore, përveç rasteve kur vendimi i aksionarëve është unanim për akumulimin e fitimeve.

Pjesa që mbetet pas zbritjes së zërave të mësipërm, do t'u shpërndahet pronarëve të kuotave të kapitalit themeltar përpjestimisht me pjesëmarrjet e tyre, në përputhje me dispozitat ligjore në fuqi, me përjashtim të destinimit të ndryshëm të vendësor nga vetë ortakët.

NENI 15

FINANCIMI I ORTAKËVE

Shoqëria mund të marrë nga ortakët financime me ose pa shpërblim, në përputhje me dispozitat ligjore në fuqi. Dhënia e këtyre financimeve nga ana e ortakëve është e lirë. Cdo financim nga ana e ortakëve duhet të shoqërohet me kontratë të nënshkruar mes palëve dhe të jetë aprovuar nga asambleja e ortakëve.

NENI 16

KONTROLLI I SHOQËRISË

Në shoqëri kontrolli ushtrohet nga një Auditues Ligjor (Ekspert Kontabël i Autorizuar). Emërimi i Audituesit Ligjor bëhet nga asambleja e përgjithshme, në përputhje me dispozitat ligjore në fuqi për auditimin.

NENI 17

SHPËRNDARJA DHE LIKUIDIMI I SHOQËRISË

Shpërndarja e parakohshme e shoqërisë vendoset nga asambleja e ortakëve me shumicat e parashikuara për ndryshimin e këtij statuti, në rastet e parashikuara nga ligji.

Në rast se realizohet ndonjëri nga shkaqet që sjell shpërndarjen e shoqërisë, asambleja e ortakëve, me vendim të posaçëm të marrë gjithmonë me shumicat e parashikuara për ndryshimin e statutit, do të përcaktojë modalitetet e likuidimit dhe do të emërojë një ose disa likuidatorë duke përcaktuar njëkohësisht edhe kompetencat përkatëse. Shoqëria mund të anullopë në çdo moment gjendjen e likuidimit, me vendim të asamblesë të marrë me shumicat e parashikuara për ndryshimin e këtij statuti.

NENI 18

ZGJIDHJA E MOSMARRËVESHJEVE

Mosmarrëveshjet që mund të lindin ndërmjet ortakëve ose ndërmjet ortakëve dhe shoqërisë dhe që ka lidhje me të drejta të disponueshme në lidhje me marrëdhëniet e tyre do t'i drejtohen për zgjidhje Gjykatës Kompetente.

NENI 19

LEGJISLACIONI I ZBATUESHËM

Gjithçka që nuk është parashikuar shprehimisht në këtë statut do të disiplinohet nga dispozitat ligjore në fuqi në Republikën e Shqipërisë.

NENI 20


DISPOZITA FINALE

Ky statut u hartua në 3 (tre) kopje origjinale në gjuhën shqipe.


Lexuar, pranuar dhe nënshkruar nga Ortaket themelues te shoqërisë.

ORTAKET THEMELUES

Arben Rroji




Ylber Zama




Besnik Mustafaj




Gëzim Galiqi



Genc Nurja



Shpëtim Ymeri



Alva Dani

